

Najmie johan pertandingan pidato UMS

HB 2-12-2017 BIO

KOTA KINABALU: Muhammad Najmie Rani dari Fakulti Sains dan Sumber Alam (FSSA) Universiti Malaysia Sabah (UMS) muncul sebagai johan pertandingan pidato 'UMS Elocution Contest' yang dianjurkan sempena Kursus Pengucapan Awam (EK00703) di universiti itu baru-baru ini.

Dengan pidato yang bertajuk 'Keamanan', Najmie mengetepikan pesaing terdekat Melissa Ashnur dari Fakulti Kejuruteraan (FKJ) UMS yang terpaksa berpuas hati untuk berada di kedudukan naib johan.

Tempat ketiga pula disandang Marmilah Abdullah dari Fakulti Kemanusiaan, Seni dan Warisan (FKSW) melalui pidatonya bertajuk 'Insan Berintegriti Kejayaan

Berkualiti'.

Majlis perasmian dan penyampaian hadiah disempurnakan Pengarah Pusat Kokurikulum dan Pemajuan Pelajar (PKPP) UMS, Prof. Madya Dr. Anuar Din.

Dalam ucapannya beliau menyuarakan harapan agar program tersebut sekali gus dapat melahirkan generasi yang berketerampilan, berkarisma dan berkeyakinan terutama apabila berhadapan dengan khalayak ramai.

"Justeru, saya amat menyokong sekiranya program-program seumpama ini akan diteruskan lagi pada masa-masa akan datang," katanya.

Terdahulu, wakil pengarah program, Shemaiah Marie Mojuntin dalam ucapannya berkata, penganjuran



NAJMIE ketika menyampaikan pidato bertajuk 'Keamanan'.

NAJMIE (kanan) menerima hadiah daripada Dr. Anuar (tengah) sambil disaksikan oleh Norazmi (kiri).



DR. ANUAR berucap merasmikan majlis.

program itu bertujuan untuk memartabatkan Bahasa Melayu dalam diri masyarakat terutamanya dalam kalangan mahasiswa termasuk pelajar antarabangsa yang menuntut di UMS.

"Saya juga ingin mengambil kesempatan ini untuk merakamkan penghargaan kepada semua pihak yang terlibat dalam menjayakan program ini, terutama kepada Pengarah PKPP UMS atas kesudian hadir bagi merasmikan program

selain para penaja yang telah bersama-sama membantu menjayakan program ini," katanya.

Bertemakan Bahasa Jiwa Bangsa pertandingan itu disertai oleh semua 10 fakulti yang terdapat di universiti berkenaan.

Hadir sama, Pensyarah Kursus Pengucapan Awam Mohammad Norazmi Haris.

SHEMAIAH (kanan) mengambil gambar bersama pengacara pertandingan.

